



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/11-00527 pillugu tallimangornermi ulloq 25. marts 2011-mi aalajangiineranik Naalakkersuisunut ilisimatitsineq.

Ilinniartut inaannik 2011-mi pilersaarusiornermut suliariumannittussarsiuussinermullu atugassanngortitsineq

Naalakkersuisut inassutigaaat,

- Konto pingaarnermi 84.40.15-imi, Ilinniartut inaannik sanaartornermut tunngasumi, suliassamut nr. 996.52.055-imut, Ilinniartut inaannik pilersaarusiornermut sanaartornermullu tunngasumut, aningaasaliissutit 2011-mi 9,0 mio. kr.-inik ikilineqassasut, aamma
- Konto pingaarnermi 84.40.15-imi, Ilinniartut inaannik sanaartornermut tunngasumi, suliassamut nr. 060.52.063-imut, Nuummi kollegialianut 42-nut tunngasumut, aningaasaliissutit 2011-mi 6,0 mio. kr.-inik amerlineqassasut, aamma
- Konto pingaarnermi 84.40.15-imi, Ilinniartut inaannik sanaartornermut tunngasumi, suliassamut nr. 080.52.064-imut, Sisimiuni GU-mut kollegia 1-imut tunngasumut, aningaasaliissutit 2011-mi 1,5 mio. kr.-inik amerlineqassasut, aamma
- Konto pingaarnermi 84.40.15-imi, Ilinniartut inaannik sanaartornermut tunngasumi, suliassamut nr. 100.52.065-imut, Aasianni GU kollegia 2-mut tunngasumut, aningaasaliissutit 2011-mi 1,5 mio. kr.-inik amerlineqassasut.

Aningaasaqarnermut Ataatsimiititaliap oqaaseqaatai

Sisimiuni, Nuummi Aasiannilu ilinniartut inaasa pilersaarusiornissaat siunertaralugu kontomi pingaarnermi 84.40.15-imi, Ilinniartut inaannik sanaartornermut tunngasumi, aningaasat ilinniartut inaannik sanaartornermut atugassat agguanneqanngitsut atugassanngortinneqarnissaat Naalakkersuisut suliama matumani qinnutigaat.

Ataatsimiititaliaq suliama aalajangiitinnagu apeqqutit makku akineqarnissaat kissaatigineqarpoq:

1. Isummernissamut tunngavissiami allassimavoq akuersissuteqarneq A/S INI-mut suliassami aqutsisuusumut nalunaarutigineqassasoq, soorlu isummernissamut tunngavissiani allani ataatsimiititaliamit suliarineqartussani aamma taama allassimasoqartoq. Sanaartugassat pilersaarutit qassit INI-mit maanna aqunneqarpat, taakkulu pilersaarutit malillugit ingerlappat?
2. Kontomut pingaarnermut 84.40.15-imut, Ilinniartut inaannik sanaartornermut tunngasumut, missingersuutinut ilanngussami nassuineqartumi suliassaq nr. 060.52.063-ip ataani allassimavoq; ”Suliassami sanaartornerullu aallartinneqarneranut aningaasartuutigineqartut matussuserniarneqarput,

taamaalilluni sumiiffimmi pilerigineqartumi nunaminertamik tunniussisoqarnissaa sanaartornissamullu akuersisoqarnissaa qularnaarniarlugu.”. Taanna itisilerlugu nassuiarneqassasoq kissaatigineqarpoq, tassami ilaatigut ataatsimiititaliamit eqqumiigineqarmat aningaasartuutaareersunut aningaasaliissuteqarnissap qinnutigineqarnera.

Aningaasaqarnermut Ataatsimiititaliap aalajangiinera

Apeqqutit siuliani allassimasut akineqarnissaasa utaqqineqarnissaa siunertaralugu siuliani allassimasutut paasinnilluni Naalakkersuisut inassuteqaataannut isummernissani Aningaasaqarnermut Ataatsimiititaliap **kinguartippaa**. Naalakkersuisut akissutaat kalaallisut danskisullu nassuteqquneqarpoq assilineqarneralu qarasaasiakkut uunga nassiunneqarluni: nch@ina.gl.

Aningaasaqarnermut Ataatsimiititaliaq sinnerlugu

Olga P. Berthelsen
Aningaasaqarnermut Ataatsimiititaliap siulittaasua